

NY VALOSOIA

Gazety miseho intelo isan-kerinandro
(Talata - Alakamisy - Sabotsy)

Raharaha « écran plat »

4

Mety tsy ho afa-bela
ny ministry ny atitany

www.gvalosoa.com

gvalosoa@yahoo.com

facebook : gazety valosoa rakoto

Sabotsy 29 aogositra 2020

Laharana 1060

Vidiny : 400 Ar

Vazahabe sy Rajoelina

2

Mamaky ady amin-dRavalo



Antsiranana, Toamasina

5

Mbola tsy madio ny ladoany Malagasy



MPANOLOTSAINA CUA

6

Nivoaka ny trano
fivoriana ny
mpanolotsaina TIM



Fampianarana

6

Alasafay ny vahaolana
entin'ny fitondrana Rajoelina

Fifamoivoizana

7

Hisokatra anio ny RN2, anisan'
ny lalan-dràn'ny toekarena

Ady amin'ny kolikoly

7

Nanome fanampiana ho an'ny
Bianco ny Ambasadin'i Japon

Daka kely

Very tanteraka ny zon'ny ankizy amin'ity
CEPE amboletanareo ity ry Boaikely a !

Valanaretina coronavirus

4

Niampy 3 ny maty, 104 ny
tranga vaovao, 23 no sitrana

Centre de Commandement Opérationnel COVID-19
VENDREDI 28 AOUT 2020

NOUVEAUX CAS	104		
	HIER	CUMUL	DIFF
GUERIS	13686	13709	+ 23
EN TRAITEMENT	722	800	+ 78
FORMES GRAVES	68	48	- 20
DECES	184	187	+ 3

Nb. TESTS
PCR
15 MARS - 27 AOUT 2020
56 617
GENEXPERT
MARS 2020 - 27 AOUT 2020
5 561
CONFIRMES
15 MARS - 27 AOUT 2020
14 696

RAHARAHAM-PIRENENA

Mamaky ady amin-dRavalo i Vazahabe sy Rajoelina

Manàla ny saron-tava niafenana ankehitriny Rajoelina sy i Naina Andriantsitohaina, Vazahabe, Ben'ny tanànan'Antananarivo renivohitra. Tsy mbola nialàn'izy ireo ny toetrany tamin'ny taona 2008-2009 ho amin'ny fanonganam-panjakana teto. Tsy olana ho azy ireo tamin'izany, izay hampikorosy fahana ny firenena sy hampahantra ny vahoaka malagasy, fa izay hidonany any hidonany. Natao izay hanapotehana hatramin'ny farany an'i Marc Ravalomanana, na samy mpandrahara malagasy aza, ary tsy adino ny nataon'izy ireo teny Andrefan'Ambohijanahary Trois Frères tamin'ny fanangonana ireo porofo samihafa hanamelohana ity filoham-pirenena voafidim-bahoaka ity tany amin'ny taona 2009. Hipetraka ho tantara ireny ary mbola hotsinkafonin'ny mpikaroka any aoriana ny fomba ratsy nataon'izy ireo, fa tsy ho verivery fahatany. Mbola hitsara ny tantara, fa tsy hanadino akory. Izao indray miverina ny tantara. Miendrika tamin'ny tehezamita ny fotoana ankehitriny, ka isehoan'izay fanen-jehana azy izay. Mazava loatra, fa toe-tsaina tsy hampandroso lavitra ny firenena ny zava-misy amin'izao fotoana izao, indrindra eto amin'ny tanànan'Antananarivo renivohitra. Olon'ny fitondrana Rajoelina no misahana aloha ny kaomina Antananarivo renivohitra amin'izao fotoana izao, fa tsy olom-baovao akory. Olona niray petsapetsa taminy tamin'ny fanonganam-panjakana tamin'ny taona 2009. Tsy madio tanàna araka izany io olona Ben'ny tanàna io na dia efa nosasana lamba teny amin'ny minisiteran'ny raharaham-bahiny aza. Noho ny fahantram-bahoaka no nahatonga azy eo amin'ny fitantanana ny fiadidiana ny tanànan'Antananarivo fa tsy ny fitiavam-bahoaka loatra. Tsy ho tafarina mihitsy izany n'ina n'ina ataony. Amin'izao fotoana izao dia hanao izay hahavoafatotra sy hampahantra ity vahoaka Malagasy eto Antananarivo renivohitra ity ny Ben'ny tanànan'Antananarivo renivohitra. Ny ady ataony sy ny Filoha Rajoelina amin'izany dia amin-dRavalomanana Marc, satria izy



Ny filoha Marc Ravalomanana, mamiratra foana na haratsiana sy henjehina mafy aza.

io no tsy hahafahana mangeja ny vahoaka Malagasy tsy hitraka sy hiseho maneran-tany, fa nofidian'Illy Mpahary ho môdelin'izao tontolo izao. Aleon'ny Ben'ny tanàna sy ny fitondrana miaraka aminy hatrany hitoetra ao anaty haizina sy ny tsy fahalalana ity firenena Malagasy ity, ary tsy hisy hanafaka azy taorian'ny mpanjanatany frantsay. Mamaky ady araka izany izy ireo hahatongavana amin'izany lanitra mainty na maizin'i Gasikara izany. Ao anatin'izany ny fiketrehana ny higo-goka sy hangoron-karena eto amin'ity firenena ity, ho azy ireo samirery amin'ny fomba maro samihafa. Ny marina anefa tsy maintsy hiseho na ho ela na ho hain-gana.

Sôh'son

« Commission Mixte Paritaire », Tsimbazaza

10 avy amin'ny IRD, 2 avy amin'ny GPR ary 2 avy amin'ny TIM

Voatendry amin'izao fotoana ireo depiote ho solontenan'ny Antenimerampirenena amin'ilay antsoina hoe : commission mixte paritaire, ho amin'ny fandaniana ireo volavolan-dalàna, mbola tsy lany, ka hiverenana dinihana amin'ireo Parleman-ta roa tonta eto amintsika amin'izao fotoana, amin'ny fivoriana tsy ara-po-toana atrehan'izy ireo. Io vaomiera io dia hiara-hidinika amin'ny solontenan'ny Antenimierandoholona ny

volavolan-dalàna laharana 001/2020. Solombavambahoaka miisa 14 no voatendry amin'izany, ka 10 avy amin'ny IRD, 2 avy amin'ny GPR ary 2 avy amin'ny TIM. Tompon-toerana ny 7 amin'ireo, ary Mpisolotoerana ny 7. Nametraka ny birao ireo Solombavambahoaka tao anatin'ity Vaomiera ity omaly, ary niara-nivory tamin'ny Solontenan'ny Antenimierandoholona.

Isambilo

Groupe parlementaire	Titulaire	Suppléant
IRD	VELONTSARA Paul Bert	RAZAKANDRAINY Dominique
	MOHAMAD Ahmad	RATSIMANDRIONA Aida Hardy
	ASSIMO Bruno	RAMENASON Rio Merci
	IDEALSON	ANDRIANAMBININA Dighary Lee
	RAJOELINA Seth	RAHASIMANANA Paul Bert
GPR	RANDRIANASOLO Augustin	SATRA Augustin
TIM	RAZARA Pierre	RATSIMBAZAFY Alain Jean

Ny lisitr'ireo depiote ao amin'ilay vaomiera itambarana amin'ny fandinihana lalàna.

Ady amin'ny coronavirus

Matotra ny fiaraha-miasa eo amin'ny polisim-pirenena sy ny mpanao gazety

Matotra ny fiaraha-miasa eo amin'ny polisim-pirenena sy ny mpanao gazety eo amin'ny ady amin'ny valanaretina coronavirus. Sehatra roa samihafa saingy mifandray ny fitandroana ny filaminana sy ny asa fanaovan-gazety. Ny andaniny manome ny vaovao ny mpanao gazety amin'izay tokony tsara ho fantatry ny olom-pirenena, ny ankilany mitatitra izany amin'ny olom-pirenena amin'ny alalan'ireo karazana fitaovan-tserasera maro samihafa. Mifampiankina tanteraka araka izany ireo sehatra roa ireo, ka ilaina ny fifankazahoana sy ny fahaizana miara-miasa mba tsy ho tompon-trano mihono ny vahoaka Malagasy. Isan'ny fanamafisana ny fiaraha-miasa izay indrindra ny fitsidihana nataon'ny filohan'ny holafitry ny mpanao gazety (OJM) sy ireo mpikambana ao aminy tany amin'ny talem-paritry ny filaminam-bahoaka any Atsinanana no sady nanolotra arovava sy orona ho an'ireo polisy miasa any an-toerana ny holafitry ny mpanao gazety.

Niaina



Ny fanolorana arovava sy orona nataon'ny OJM ny polisy any amin'ny faritra Atsinanana.

Ny Valosoa sy fakafaka

Volan'ny CNAPS ampindramina Voambaka ny mpiasa sy tompon'orinasa tsy miankina

Nitsofana mozika sy nidobohana amponga ilay fam-pindram-bola nataon'ny fitondrana, tamin'ny alalan'ny volan'ny Cnaps ary Ingahy Filoha Rajoelina mihitsy no nivoaka tamin'ny fahitalavitra tsy nanao arovava sy orona ny andro voalohany nivoahan'ilay nambara fa "tsinjo fameno".

Zava-dehibe ny tokony hahafantaran'ny rehetra ny Cnaps(Caisse Nationale de la Prévoyance Sociale) izay adika amin'ny teny malagasy manao hoe : Ki-tampombolam-pirenena momba ny fiahiana ara-tso-sialy), mazava fa ny mpiasa sy ny orinasa no tokony hisitraka izay fiahiana izay.

Ny latsakemboka alohan'ny mpampiasa(13%) sy ny mpiasa (1% isaky ny mpiasa) no miantoka ny vola mampihodina ny Cnaps. Ny Ministeran'ny Fitantanambola sy ny Ministeran'ny Asa, ireo no ministera mpiahy ny Cnaps (ministère tutel) , saingy hatramin'ireo mpitondra faratampony no tsy manaiiky gisitra amin'ny fikirakirana ny hatsembohan'ny mpampiasa sy ny mpiasa avy amin'ny sehatra tsy miankina.

Ireny niaraha-nahita ireny ny fandokafantena nataon'ny fitondrana, fa mitsinjo ny mpiasa Malagasy hono ry zareo kanefa raha ny tokony ho izy, dia vola tsy tokony haverina no nomena ary volan'ireo mpiasa madiodio ihany koa, izay ilay endriky ny fambakana.

Isan-telovolana dia mandoa ny latsakemboka eny amin'ny Cnaps ireo orinasa tsy miankina ary mahavoasazy ny tsy fanaovana izany, raha misy aza fahadisoam-potoana kely vokatry ny fahasahiranana ny orinasa dia misy tataon-tsazy miandry.

Nisedra fahasahiranana avokoa ny ankabeazan'ny orinasa noho ny fisian'ny aretina " coronavirus " , fanemoram-potoana amin'ny fandoavana latsakemboka no nekena, fa tsy maintsy mandoa ny vola efa mahazatra ny orinasa.

Tsy ny Cnaps ihany fa ny sampandraharaha momba ny hetra ihany koa dia tsy mandefitra amin'ny orinasa tsy miankina, kanefa dia niaraha-nahita ny fahasahiranana nianjady sy mbola mianjady amin'ny orinasa Malagasy. Ny minisitry miadidy ny fitantanambola dia nanizingizina, fa tsy azo ekena izany hoe orinasa tsy miankina tsy mandoa hetra izany, satria inona hoy izy ny vola handoavana ny karaman'ny mpiasampanjakana sy hampihodinana ny raharahampanjakana, mazava ny tian'Ingahy minisitry atao fa ny fampiharana ilay oha-pitenenana vahiny manao hoe:" deshabiller Saint Pierre pour habiller Saint Paul " no atao amin'izany: tsy ilaina adika io fa mahazo teny vazaha avokoa ny mpamaky ny Gazety Ny Valosoa Vaoava, ny orinasa tsy miankina misedra fahasahiranana no poretina hamelona ireo mpiasam-panjakana izay tsy maintsy mitomboka ny "telopolo andro fanjava raiky" na miasa na tsy miasa.

Sanatria tsy fampiadiana ny mpiasa samy malagasy no itanisana izany etoana, fa ny alahelo tsy ambara havana hono zakan'ny tompony, tsorina tsy ampihambahambana fa mavesatra ny manjo ny orinasa tsy miankina, ny fitondrana tsy te hahalala izany, satria ny mpiasam-panjakana sao mitokona no mpampiasa ny sain'ny mpitondra, f'ireo any amin'ny sehatra tsy miankina kosa tsy ivadihany ati-doha, satria raha hitokona dia izy ireo ihany no hibaby ny vokany, hanampy trotraka ny fahasahiranana efa zakainy vokatrin'ny valanaretina.

Manana ny lanjany eo amin'ny fampandrosoana, ny sehatra tsy miankina ary mampiditra ny ampahany betsaka ao amin'ny kitapombolam-panjakana , saingy matoa mbola azo atao tohatra fiakarana dia mety mbola tsy ampy ny firaisankina, fa tsetsatsetsa tsy aritra no ilazana fa tany ivelany tany anie, ka nifanaraka sy niray hina ireo avy amin'ny sehatra tsy miankina nanao fitokonana tamin'ny fandoavanketra (grève fiscal), ka raha izany tokoa moa no hiseho eto amintsika ho fanoherana ny fanambakana mihatra, Inona re no ataon'ny mpitondra e?! Izay anisan'ny fiantombohan'ny faharavana ho an'ny fitondrana raha hisy izay.

Ny Valosoa

Ny Valosoa sy hadihady

Politika

Zava-dehibe ny fananana Antenimierandoholona

Manaitra ny saina ihany ny nandre solombavambahoaka sahy milaza, fa tokony hofaonana ny Antenimierandoholona. Mandritry izao fivoriana tsy ara-potoanan'ny parlemanta niso-katra ny alarobia lasa teo no nahenoina izany feo izany. Manana ny anjara toerany lehibe eo amin'ny firenena io andrim-panjakana iray io, indrindra raha firenena sy fitondrana milaza ho manàja ny demôkrasia. Mety nisy fotoana, lasa mpanangan-tà-nana fotsiny sy toy ny saribakoly izy tao anatin'ny fitondrana iray na nifanesy. Tamin'izany dia izay lalàna tapaka teny Tsimbazaza dia tsy maintsy lany tao amin'ny lapan'Anosikely hatrany. Araka izany dia hita ho tsy nanao ny asany sy ny andraikiny ara-dalàna ireo loholona ireo tao anatin'izany. Vokatry izany, dia toy ny mpanara-drenirano fotsiny ireo loholona nape-traka tao, hany ka tsy hita marina izay mba asany sy ilàna azy, fa mandany volam-bahoaka fotsiny ihany. Tsy afa-misaraka ny Antenimierandoholona sy ny Antenimierampirenena. Hampanahy mafy ny fanafoanana ny toeran'ireo loholona, satria hanao izay tiany hatao amin'ny lalàna notapahiny ireo solombavambahoaka. Karazan'ny toy ny manome fifandanjan-kery eo amin'ny roa tonta ny fisiany. Mazava loatra, fa izy no aroriaka ho an'ny eny Tsimbazaza. Ny fikasana hampihena ny isany aza efa mampieritreritra be ihany, indrindra amin'izao ananan'ny fitondrana maro an'isa izao ao amin'ny Antenimierampirenena. Iaraha-mandre anefa, fa misy lalàna iadian-kevitra eny Tsimbazaza, izay tsapa fa tsy nakàna ny hevity ny vahoaka soloiny vava loatra, fa izay lalàna tolo-kevitra avy amin'ny fitondrana ny ankamaroany. Indraindray lasa solombavam-pitondrana ireo nofidiam-bahoaka eny Tsimbazaza amin'ny fihetsiny sy ny fanapahan-keviny. Moa tsy izany ve no tokony hofaonana, ka so-

loana vaovao indray? Ny hisolo vava ny vahoaka no nifidianana ireo dépiote, fa tsy ny hisolo vava ny fitondrana akory. Mitombona amin'io toe-javatra io ny nambaran'ny filoha Lybiana tamin'ny fotoan'andro, Mohamar el Khadafi, hoe: "Tsy misy mahasolo vava ny vahoaka izany, fa fandrebirebena fotsiny ihany ny solombavambahoaka". Toa hita taratra izany matetika amin'ny zava-misy eto amin'ny firenena. Iaina ny Antenimierandoholona eto amin'ny firenena, eto amintsika ireo senateran'i Madagasikara dia mpanolotsaina ny governemanta, no solontena ihany koa ireo vondrom-bahoakam-paritra itsinjaram-pahefana. Any amin'ny firenena any ivelany dia manome lanja azy tanteraka. Ho an'ny filoha Marc Ravalomanana aza dia nilaza, fa izy ireo no maso sy sofiny. Hita rahateo ho tena mipetraka amin'ny toerany sy ny andraikiny izy ireo amin'izao fotoana izao, hany ka sahirana ireo ao Tsimbazaza, izay mitady hitrifana sy hampanao tian-kano tsy tian-kano, ary miketrika kajikajy politika hanatanterahana ny fanirian'ny filohan'ny Repoblika Andry Rajoelina. Raha ny fanirian'ity filoha nanongam-panjakana ity aza dia ho foanana mihitsy no nolazainy momba ity andrim-panjakana etsy Anosikely ity tamin'ny fampielezan-kevitra, fa izao nihe-motra tamin'ny fanambarana efa nataony izy, ka ny isan'ireo loholon'i Madaagasikara no hahena, hanjary ho 18: ny 12 dia ho fidiana avy amin'ireo Faritany 6 teo aloha, ny 6 fanampiny kosa dia ho senateran'i Madagasikara ho tendren'ny filoham-pirenena. Ny lalàna izoran'ny firenena amin'izao fotoana izao dia man-kany amin'ny mikitontoana sy mampahory ny vahoaka, ka ilaina ihany koa ireo loholona ho mpitondra teniny, amin'ny maha-solontena azy ireo ny vondrom-bahoakam-paritra itsinjaram-pahefana.

Sôh'son

Fiainam-pirenena

Ampahantrain'ny fitondrana ny vahoaka mba tsy ho afaka hitroatra

Tsy nisy masoandro mihi-ratra ny fiainan'ny tokan-trano Malagasy, indrindra tao anatin'ity fitondrana izay nolazaina fa hoe hitondra fiainam-baovao ho an'ny vahoaka Malagasy 25 tapitrisa ity. Nisy ny velirano marobe nampanantenaina: teo ny IEM izay nampandriana andrisa tsy misy tanteraka aloha hatretro. TGV haingam-pandeha no nireharehana hitondrana ny firenena, nefa toy ny sokatra no fandehany ankehitriny. Misy ireo fotodrafitra ataon'ny fitondrana ankehitriny, saingy tsy mifanaraka amin'ny filàn'ny vahoaka ary tsy laharam-pahamehana ho azy ireo

akory. Toy ny manjelatra ivelany no mahamaika ny fitondrana, fa tsy izay tena filàna ilaina maika ho an'ny vahoaka. Izay ilay hoe ny «mahafinaritra aloha vao ny mahaso» ny azy ireo. Amin'izao hamahana ara-pahasalamana izao dia mikaikaika ny tokantrano Malagasy maro amin'ny fampijaliana nataon'ny fitondrana nandritra izay 5 volana izay. Tena fanagejana tsy ahafahan'ny vahoaka mihetsika no tanjona, fa tsy izay valanaretina akory, satria rehefa hizara zavatra etsy sy eroa ny mpitondra fanjakàna dia mety ihany ny mitangorona, ny filoha Rajoelina aza moa

tamin'ity herinandro ity tsy nanao arovava sy orona. Ireo lazaina fa tsosika ho an'ny vahoaka tsy hita be ihany, fa toa lasa ny mpampankarena indray no mahazo izany, fa tsy tonga any amin'ireo tena mila azy. Ireo mahazo ihany no mahazo, hany ka maro no lasa manao hetsika manohitra izany eny amin'ny fokontany maro. Nikabary ny filoha, naratsiany ireo filohan'ny fokontany ary nahilika tany amin'ireto farany ny rihitra mahatonga ny korontana amin'ny fizarana ny to-sika. Nomena ny minisitera isan-tokony indray ny fakana ny anaran'ny olona omena tsosika fa-

meno eny amin'ny fokontany, aiza izany ankehitriny? Toa tsy nisy tohiny, fa ny teo ihany no teo. Tena very fanahy mbola velona ny vahoaka Malagasy ary te hitroatra saingy tsy afa-mihetsika amin'ny ramatahora sy ny fahantrana. Izay angamba ilay tanjona, hampahantrana amin'izay variana mitady ny ho sakafo isan'andro dia tsy manam-potoana hanaovana hetsika etsy sy eroa. Mandrampahoviana anefa izany? hatory toy ny valala be mandry foana ve ireo, fa tsy hifoha mihintsy? Ny ampitso no hamaly izany.

Helisoa

Taratasin'ny mpamaky

Fanehoan-kevitra ampitaina amin'ny gazety Ny Valosoa Vaovao sy ireo izay mety hiantefany izao manaraka izao : mampahatsiahy ahy vanimpotoana ratsy ity zavamisy eto ity, mba tadidinareo moa fa nanomboka ny faramparan'ny taona 2008 dia nanomboka ny denigration na ny fanaratsiana ny Filoha Marc Ravalomanana. Nanomboka notaritina tsy hitia azy ny olona, nanaovana tapage médiatique be hoe didy jadona, sns... fanaratsiana rehetra, satria natanjaka izy ary sarotra ny tsy hahalany azy raha mbola nitohy ny asany, dia nopotehina mihitsy ny fananany, mba tsy hahafahan'ny sainy handinika fampandrosoana vahoaka intsony, fa satria hoe kivy hono Dada zany e, dia mitady hiverina izay, arangaranga ny fanidiana AAA sy Magro rehetra, hatraminy MBS satria tsy vita intsony ny handoro an'ireo fa oainina be, dia ezahina potehina amin'ny hoe lalàna an-dry zareo hono, dia tadiavina hampanginina satria tapitra ny confinement.

Sao dia hihetsika eo, ka ho loza ho azy, izany no midika fa FAIBLE, tsy manana hery fa tao anaty confinement no niwerawera, fa amin'izao efa hibanaka izao mety hahazo toraka ila kiraro koa eny an-dalana eny. Efa fantany fa tsisy poids intsony hoentina hiady sy hiatrika dia manao offensive, tonga dia potehina mialoha ny adve. Mbola aiza anefa izany eeee, raha tena sahy, dia alalaho ny sehatra, avelao ny olona hiasa, fa ny hanangana orinasa aza atao dia maninona no manana mauvaise foi mamotika gasy mitovy aminao? Tsarovy fa anananareo ny hery sy fahefana ary ny harena, fa mahantra indrindra ianareo, fa tsy MBA anananareo ny fiadanampo, fa isan'andro misain-dratsy hamotika olona foana.

**Andriatahina Henintsoa Nirina na Tahina
Fokontany Itaosy, Kaominina Itaosy,
Antananarivo Atsimondrano**

FIANAM-PIRENENA

Misy Rangory sy Ramaka eto amin'ny tanàna

Tsy mbola maty ao an-tsain'ny vahoaka malagasy ny doro-trano niseho ny taona 2009, raha vao hain-trano no resahina dia miverina ao an-tsaina avy hatrany ireto oha-pitenenana roa ireto : "iza no Rangory fototrin'ny afo?" sy ny hoe "nandalo Ramaka ka may ny tanàna". Ny 26 Janoary 2009 araka ny efa nambara tamin'ny laharana farany teo no nisehoan'ny hain-trano mahatsravina, ary tsy mbola maty ao an-tsaina fa mbola tadidy ilay teny nambaran'ny Filoha ankehitriny tamin'io Alatsinainy 26 Janoary 2009 io, taorian'ny nahamay ny RINM sy TVM manao hoe : " tsofina rano ianareo izay mbola handeha handoro ny MBS sy MAGRO, f'izaho handeha hody ", mbola misy ny nahatahiry ny horo-nampeo momba izany.

Ankehitriny dia mihàtra ilay oha-pitenenana manao hoe: "ny voan'ny famaky indray no mandoa lasiray ", satria io iarahamahita io fa takian'Ingahy Ben'ny Tanàna hofantany tamin'ny taona 2009 hatramin'ny taona 2016 ny MBS, kanefa tsy nampiasa ny toerana ary ireo mpitaky vola ihany no niara-dia tamin'ny mpan-doro tamin'izany fotoana izany.

Tsy faharavana ara-pitaovana ihany no vokatrin'ny fandroana tamin'ny 2009, fa nisy fiantraikany tamin'ny lafiny maro ihany koa satria taorian'io 26 Janoary 2009 io dia nanjaka ny fanampembava, porofon'izany ny fanagadrana nanjo an'i Evariste Ramantsoavina mpanao gazetin'ny Radio Mada sy ny fampidirana am-ponja indroa miantona ireo mpiasan'ny Radio Fahazavana, ny niafaran'ny resaka dia ny fanesorana tao amin'ny teny filamatry ny Repoblika fahaefatra ny teny hoe: "fahafahana" ary nosoloina hoe "fitiavana", saingy azo tsapain-tanana fa tsy ilay fitiavana avy amin'Andriamanitra no nihàtra, fa fitiavana sadasada toy ny any amin'ny "boite de nuit", ary izao isika manoratra izao dia mihàtra ny tsindry ataon-dRamatoa minisitry miadidy ny serasera, izay miseho amin'ny fitsabahana amin'ny fanomezana karatra mahamatihanina ho an'ny mpanao gazety, efa nandray ny andraikiny ny Filohan'ny Holafitra nanao ny fitoriana, mbola taratrin'ny fanosihosena ny fahafahana izany. Tsy ny MBS ihany no niaran'ny antsonjay avy amin'Ingahy Ben'ny Tanàna, f'ireny niaraha-nahita ireny ny fandroanana ny tsenan'ireo mpivarotra teny Analakely sy Soarano, dia mbola harodana koa ireo "pavillon" efa vita tsara tarehy "ny amin'ny "esplanade", kanefa ny tsenan'izay Maika" efa talohan'ny fihibohana no namboarina aza tsy mbola vita hatramin'izao, dia mifanontany ny rehetra manao hoe: raha ny harena nolovain'Ingahy Ben'ny Tanàna moa no potehina toy izao dia ho zakany ve?

Afo nandoro ny lamban'ny vahoaka malagasy ny nataon'ireo mpilalao afo, ankehitriny efa mailo ny olompirenena, tsy azo badoina intsony fa dia ho main'ny afo natsangany amin'izay ry Rangory sy ry Ramaka, olona efa zatra mpandoro sy mpandrava eto amin'ny tanàna sy ny firenena.

Ny Valosoa

TONOMKALO

Mitaona anay mba hidi-trosa ?

Mitaona anay mba hidi-trosa, izany indray no tetikady Fa dia tena tsy nahita vahaolana mandaitra ?
Sa potehina mihitsy tsy hitraka fa handady
Iretsy mpiasa marobe izay efa tojo ny mafaitra ?

Mora anie ilay hoe mitrosa saingy ny mamerina azy
Dia tsy mora toy izany ka hitera-panenenana.
Sa `nareo mpitondra ireo no `ndeha hiantoroka ny sazy,
Raha sahirana izahay ka sarotra ny famerenana ?

Olon-dresy sy mahantra ve no taomina hitrosa ?
(Izany ve tsy hadalana hita be mivandravandra ?)
Sa vizanina mihitsy mba ho reraka sy osa,
Iretsy mpiasa marobe,voaroaka na koa "very kandra" ?

Sao dia tena tsy voadinika, sao dia tena tsy voasaina
Izany rehetra rehetra izany ry mitonona ho mahay ?
Sa `nareo no efa voky ka dia kamo sy malaina
Ny hanome tsy misy tambiny, "vatsy tohana" ho anay ?

TSIMIMALO (27-08-20)

VALANARETINA CORONAVIRUS

Niampy 3 ny maty, 104 ny tranga vaovao, 23 no sitrana

Niampy 3 ny maty, 104 ny tranga vaovao ary 23 no sitrana. Arak'izany, mitotaly 187 no lavon'ity valanaretin'ity hatramin'ny 20 martsa lasa teo. Ny olona mitondra na nitondra ny tsimokaretina corona dia 14696. Ny sitrana hatreto dia miisa 13709. Ireo marary mafy, nihena 20 izy ireo omaly, ka 48 izany ny marary mafy mbola tsaboina. Ho an'ireo 23 sitrana:

- . 6 faritra Analamanga
- . 5 faritra Matsiatra Ambony
- . 3 faritra Vakinankaratra
- . 2 faritra Bongolava
- . 2 any amin'ny faritra Alaotra Mangoro
- . 2 any Boeny
- . 1 any amin'ny faritra Itasy
- . 1 any Menabe
- . 1 any amin'ny faritra Diana



Ny tarehi-marika avy eny amin'ny CCO covid 19 Ivato omaly.

Ireo 3 maty dia
. ny 2 tamin'ny faritra Analamanga
. 1 tany amin'ny faritra Diana.
Momba ireo 104 tranga vaovao tamin'ny fitiliana 503 natao:

- . 50 faritra Analamanga
- . 19 faritra Sava
- . 12 faritra Vakinankaratra
- . 10 faritra Sofia
- . 4 any amin'ny faritra Boeny
- . 3 any amin'ny faritra Diana

- . 2 any amin'ny faritra Menabe
- . 2 Matsiatra Ambony
- . 1 Alaotra Mangoro
- . 1 any amin'ny faritra Anôsy.

Niaina

Raharaha « écran plat »

Mety tsy ho afa-bela ny ministry ny atitany

Mahakasika ilay raharaha fanampiana, na don "écran plat" teny amin'ny CCO covid 19 Ivato, dia mety tsy ho afa-bela amin'izany ny ministry ny atitany Tianarivelo Razafimanantsoa sy ny vadiny ary ireo olona hafa mety ho tafiditra amin'izany raharaha izany. Mifanipaka mantantsy ny zavatra nola-zain'ny CCO tamin'ny alalan'ny ministry ny atitany sy ny avy amin'ny PNUD, na ny Fandaharanasan'ny Firenena Mikambana momba ny Fampandrosoana. Ny tsapa sy hita dia misy raharaha kolikoly avo lenta ao anatin'ny raharaha. Tantara mitohy



Mbola saro-toerana ity ministra ity noho ny resaka "écran plat".

toko ny "écran plat", namaly ny tompon'andraikitra teo anivon'ny PNUD. Mifanipaka tanteraka ny fanazavana nentin'ny CCO sy ny PNUD. "Décaisse-

ment" na famoaham-bola ihany no nataon'ny PNUD. Izany hoe nandray vola izany ny CCO, izay ny ministry ny atitany no filohany. Mbola ny CCO koa

no nanao ny fividianana sy ny fisafidianana ny orinasa nanjifana ny entana fa tsy ny PNUD araky ny nambaran'ny CCO. Tsy tokony ho vita mora ity raharaha ity, aiza ny sampan-draharaha miady amin'ny kolikoly, fa toa mody fanina ve izy ireo! Tokony hampiharina ny lalàna tahaka ny raharaha bonbons sucette 8 miliara ariary, ka nanesorana ny minisitra, nanagadrana tale jeneraly... Mety tsy ho afa-bela amin'izao zavatra izao arak'izany ny minisitra ny Atitany sy ireo akai-ky azy, rehefa tena tokony hampiharina ny lalàna.

Stefa

Mazotoa mikira

Hirampitiavan'olondroa indray no nosafidiana ho anao hakanao fahafinaretana eo am-pamakiana ny gazety.

HIARAKA AMINAO
Jérôme Randria

Hiaraka aminao hatrany
No hasambarako
N'nona n'nona hidona
Tsy ahoana avokoa
Anilao n'aiza n'aiza,
N'nona n'nona hanjo
Feno toky tsy mba kivy koa

Isan'andiny:
Hiaraka aminao no faniriako
Hatrany andanitra any
Faniriako tsy ho lo
Hiaraka aminao mandrakizay

Raha eto antany

Dia voafetra
Ny taonantsika izao
Valopolo ny eoeo
Dia mateza hoy ianao
Na izany na tsy izany
Ny lalantsika tsy ho hatreo
Fa mbola hitohy
Any ankoatra any

Isan'andiny:
Hiaraka aminao
.....aminao mandrakizay

Rehefa maty eto isika
Hiaraka ho doria



Hitsinjo ireo zanantsika
Hiaradia ety
Ho fantatr'izy ireny koa
Ny hasambaran'ny fitia
Hiaradia hifankatia doria

Isan'andiny:
Hiaraka aminao.....
.....aminao mandrakizay

Mpihira :
Vola sy Jérôme Randria,
arahin'ny Rodoben'ny Railovy
Mpamorona :
Jérôme Randria

Sakafo Ny Valosoa



Saosisy sy anana indray no laoka amin'ny sakafo eto amin'ny gazetinao androany. Mahatsara azy ny fam-pirahana io laoka io amin'ny lasary voatabia. Dia mazotoa homana tompoko.

NY VALOSOA sy Mahasoa

Ny soa azo avy amin'ny ravina corossol

Fanafody natoraly koa ny ravina corossol na voantsokina: anisan'ny voankazo tsara ny corossol, izay misy proteina, gliosida, vitamina C, B1,B2, magnesium, potassium, fer, fibre, phosphore ary rano sns...



Fa misy koa ny zavatsa azo avy amin'ny ravina voantsokina:

- Fanafody kibo, mivalana sns...
 - Fanafody cancer na homamiadana, ohatra : cancer du sein sns...
 - Manala fanaintainana amin'ny vanin-taolana, ohatra : goty sns...
 - Manasitrana infection urinaire, na aretina amin'ny fitaovam-pamania.
 - Mampatanjaka ny hery fiarovana.
 - Fanafody diabeta.
 - Manampy miao amin'ny tsy fahitana tory : insomnie, trouble du sommeil.
 - Fanafody rhumatismes
 - Mety ho an'ny lehilahy, manana olana amin'ny filahiana tsy mihenjana.
 - Fanafody asthme, na misohiaka.
- Atao tambavy dia atao rano fisotro ny maraina sy ny atoandro ary ny hariva ny ranona ravina corossol. Tsy azo ampiasain'ireo vehivavy mitondra vohoka sy ny mampinono anefa izany.

NY VALOSOA sy Mahaliana

Ny tanànan'Antsahavaribe, any amin'ny distrikan'i Sambava, faritra Sava

Ny tanànan'Antsahavaribe, any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohitra ny kaominina Antsahavaribe ity tanàna ity. Somary efa avoavo toerana ihany izy satria 659 m ny haavony miohatra amin'ny ranomasina. Amin'ny maha kaominina ambanivohitra azy, mbola ratsy ny lalana mihazo ity tanàna ity. Toy ireo kaominina ao amin'ny distrikan'i Sambava, vokatra any Antsahavaribe ny vokatra fanondrana lalana.



ANTSIRANANA, TOAMASINA

Mbola tsy madio ny ladoany Malagasy

Mbola tsy madio ny ladoany Malagasy, indrindra fa ny any Antsirana sy Toamasina, raha ny zava-misy tamin'ity herinandro ity no jerena.

Efa misy ireo olona atao fanadihadiana, ireo olona miasa amin'ilay sampan-draharahan'ny ladoany, misy raharaha hosoka, fialana fandoavana haban-tseranana any Toamasina. Vao afak'omaly ity raharaha ity, misy karana iray eny Tanjombato mpanafatra entana, efa mpanafatra entana foana izy io fa manambaka ny Malagasy, volam-panjakana betsaka no very an-jatony tapitrisa maromaro, efa fanaony io, fa izao izany izy vao ho tratra, noho ny ezaka ataon'ny "administration ny douanes", na ny ladoany, amin'ny alalan'ny fanaovana contre visite.

Araka ny vaovao voaray teo am-pelatanan'izy ireo dia nanaraka ry zareo, nanaraka dia tratra izy izao: tele ecran plat tao anaty container no tsy nanaovana fanambarana, efa fanaony izy io, ary efa be dia be ny container efa nafarany, ka matiantoka be izany ny fanjakana sy ny fadin-tseranana ao anatin'izay, fa tratra izy izao dia aman-jatony ny tele tsy nanaovana fanambarana dia misy an-tapitrisany maro izany ny haba tokony haloany amin'ny ladoany.

Efa eo am-pitadiavana ireo tompon'antokoka ny tompon'andraikitra, fa ny entana moa amin'ny maha-entana azy dia ny entana no tratra, fa ny tompon'antoka amin'ilay sampan-draharahan-panjakana sy ny patron karana be zatra izay am-pihimamba izay, tsy mbola fantatra ny tohin'ny famotorana, fa ny entana dia efa tratra. Afaka tomorina izany vaovao izany any Toamasina fa ny contre visite nahatratra-rana an'io izany dia ny alarobia 26 aogositra, tao amin'ny seranan-tsambon'i Toamasina.

lo moa tranga iray izay hita fa ny mety fomba

fanao mahazatra, na ny mpandraharaha, na ny mpiasa izay zatra ny lalan-dririna na kolikoly dia misy hatrany, satria misy koa ireo mpanafatra entana, na mpanjifa, eny amin'ny fadin-tseranana izany, tena manao fitarainana, misy izany ny gazety navoakan'ny La Grande Ile tamin'ity herinandro ity, mahakasika ilay inspecteur 2 tany Diégo, izay mandoa haba ilay client dia ataon'ny inspecteur des douanes satria azy ireo ny fahefana rehefa any, tsy hitan'ilay client mihitsy izay atao satria efa tratran'ilay hoe tsy mety io fa ampitomboina 2, ampitomboina 3 dia hitanao hoe matahotra ianao, ilay entana tsy ho tratran'ny magasinage dia hany ianao, ka tonga ho azy amin'ilay hoe ohatrionona no omena anao sefo. Izay koa izany, zavatra iray tena misy koa ary misy tranga mitovitovy amin'izay koa amin'izao fotoana izao ny tany Toamasina ny alarobia teo, mitovitovy amin'io ilay tany Diégo io, fa any Toamasina indray ilay izy amin'izao fotoana.

Ao amin'ny ladoany izany dia mbola te-hanao lalan-dririna ireo mieritreritra fa ho tompon'ny ladoany sy ho tompon'ny fandraharahana ohatr'io zavatra tratra io. Ny famotorana dia mandeha amin'izao fotoana amin'ireo nmpamoaka entana sy mpanafatra entana, efa mandeha amin'ny ambaratongany, efa mihoatra ny 4 no natao famotorana any Toamasina hatramin'ny alakamisy teo, famotorana izay ataon'ny brigady misahana ny heloka amin'ny ladoany.

Ilay izy izany, tele ihany no anaovany fanambarana fa ny any amin'ny isany no ahenany, raha 600 isa ohatra no ao anaty container dia lazainy hoe 100 na 200 dia ny 500 izany, na ny 200 miditra fotsiny. Dia ireo entana tsy nanaovana fanambarana no ifanarahana amin'ireo tompon'andraikitra dia samy mahazo ny anjarany avy eo,

na ny tompon'andraikitra, na ny mpamoaka entana, na ny mpanafatra indrindra indrindra, fa ny fanjakana izany 0 ny azy. Efa tena réseau, na tam-bazotra mihitsy ity tratra ity, izay lalana heverin'izy ireo hampanankarena azy, nefa tokony ho volam-panjakana ilay izy. Misy ireo mpiasa ambony lehibe fa ny fahafantarana azy tsy midina sur terrain, na eny amin'ny sehatra izy ireo, fa misy ny fiarovana satria lehibe izy, fa ny tena ao Toamasina ao no manan-jo hanakana, hisava, manao fanamari-nana na verification an'izany zavatra izany, ka izay tsy manao kolikoly no ilany vaniny, ka mikai-kaika sy sahirana, fa ireo izay manao kolikoly dia mahatafavoaka zavatra amin'io toa tambazotrana mafia io.

Mikasika ity vaovao any Toamasina ity, container 40 pieds, tele no ao anatin'ilay izy dia fanambarana isa sandoka sy lazaina fa tele taloha ilay somary mivoitra ireny ny vodiny, ka ireny dia vitsy no tafiditra fa raha ilay ecran plat fisaka dia marobe izany ny isany. Dia toy izay no ilalaovany azy. Ka ilay izy sady mpiasan'ny fadin-tseranana no transitaire, izany hoe juge et parti ny olona manao azy, izany hoe sady mpiasa no mpamoaka entana. Izay izany no tena mandoto an'ilay izy ao ary efa tena maloto sy malaza ratsy amin'ny fanaovana zavatra ohatr'izay satria mbola misy afera maizina hafa eny amin'ny fitsarana, misy olona efa voatazona maromaro any am-ponja dia mahavariana koa fa misy olona MD mbola tsy vita fitsarana dia mivoaka mandehandeha any dia izay anisan'ny ao anatin'ny manao io zavatra io, miaraka amin'ny mpiasa amperinasa any an-toerana. Tantara mbola mitohy ity olan'ny hosoka amin'ny famoahan'entana ao amin'ny ladoany ity, mila arahan'ny tompon'andraikitra maso akaiky.

Stefa



NY TENY FIAINANA



"Ary Jehovah ho Mpanjakan'ny tany rehetra; amin'izany andro izany dia iray no Jehovah, sady iray no anarany."

Zakaria 14:9



Vao mainka tombony ho an'ny Filoha Ravalomanana ny fanenjehana azy

Herin'Amboara Amboara : MINO ISIKA FA VAO MAINKA MIHA-MAFY ORINA NY FANOHANANTSIKA AN'NY FILOHA MARC RAVALOMANANA Ooo!AZA MIOVA IZANY FA TSY DISO SAFIDY ISIKA MIARAKA AMINY EEEEE!!! Vao mainka tombony ho an'ny filoha Marc Ravalomanana ny fanenjehana atao azy amin'izao fotoana.

Fara Malala : eny re a! izay enjehana lasa aloha foana, noho izany mampiakatra hatrany ny fitiavan'ny be sy ny maro an'i Dada izao atao aminy ankehitriny izao.

Nina Lantosoa : tsisy miala zany eo e! Ravalo ihany, Ravalo hatrany.

Lanto Randrianarivo : tena marina izany fa isika Dada foana e! raha ireny vahoaka be teny Ivato sy teny Mahamasina tamin'ny fotoan'androny ireny no mihetsika dia asa fotsiny, ny hahazo ireo mpitondra amin'izao fotoana sy ny mpomba azy, fa aoka fotsiny. Misy farany ny fiharetan'ny vahoaka, fa aleo hanao ihany.

Wilkoof Rochelot : zahay mianakavy hatrany @ taranaka fara-mandimbany tsy misy miala @ dada izany hatr@ izay ka hatr@ farany.

Mino Rakotondrazay : zay ts miala @ Dada zany, izy ihany no antenaina tena hampandroso an'ity Madagasikara ity, efa hita izany nandritra ny fotoana nitondrany, olombelona manana ny fahalemeny ihany izy, ary efa nifona tamin'ny vahoaka Malagasy izy tamin'ny fahadisoany rehetra ary efa nanambara ombieny ombieny fa vonona tena hiova.

Claudine Razafy : tsy misy miala eo e! Ravalo sy ny TIM hatrany, ireo ihany no tena hitondra fampandrosoana maharitra eto amintsika.

Mitia Jenny : mila mafy sy mahery ary mino isika fa satana no iadiana eto. mafy ny manala devoly zany, ka mila matanjaka sy tsara finoana.


Ralahiandroy Niriko Jean Luis : mila an'i Dada foana ny ankizy malagasy mandala ny fianarana. Mila Dada sy Ray tena hiahy azy i Madagasikara.

Falimihary Rakotondranoro : mbola ato fôna ka, mbola Dada foana, mbola TIM foana, na ho amin'ny 2023, na ho anio, na ho rahampitso.

Clarisse Jean : tena zany mitsy, ny Filoha Ravalomanana ihany no gtena filoha tena nahavita teto amintsika hatramin'izay, ny hafa nanohy ny vitany sy nijapy izay nataony fotsiny.

Honorine Ramanantenasa : tena ok ! Ny filoha Marc Ravalomanana foana ihany e !

Julia Marie : marina zany e, ny filoha Marc Ravalomanana ihany no mahavita fampandrosoana haingana sy maharitra, efa vitany izany nandritra ny 7



taona. Ary mbola vonona hatrany izy hanokana ny fiainana sisa ho an'ny vahoaka Malagasy sy ho an'ny tanindrazany.

Miharitse Vahombe : tena Marina zany, natokany ho an'ny vahoaka Malagasy sy ho an'ny tanindrazana ny fiainany rehetra.

Djajmoune Roukia : zay ts miova zany, Dada foana, hatramin'izay ka hatramin'izao.

Voahangy Rahanitso : ny fanenjehana ny filoha Marc Ravalomanana amin'izao fotoana ataon'ny fitondrana Rajoelina, sy ny ben'ny tanàna Vazahabe, Naina Andriantsitohaina izao io dia vao mainka mahatonga ny ankamaroan'ny vahoaka Malagasy hifikitra hatrany amin'i Dada.

Rosa Rafamantanantsoa : Ok aza adino mivavaka fa manao antsojany aminy ny CUA sy ny forongony nefa aza adino fa Andriamanitra miaro an'i Dada.

Nambine Gilbert : tena marina avokoa zanii teninareo zan, Dada ihany no mety ho an'ny tanindrazatsika, koa andeha ary isika hiaraka hamorona hira hoetintsika hanohanana an'i Dada @2023, na alohan'izany koa aza e ! Samy mamorona tonony zay mahit fa zah hamorona ny Refrain.

Haingotiana Vaincentie : marina zany e, tsisy miala eo, Filoha Marc Ravalomanana hatrany e !

Far D'oran : tsy diso safidy mihitsy isika satria mahatoky an'i DADA. Mahatoky isika fa mbola hiverina eo amin'ny fitondrana izy, ary tsy ho ela izany.

Neny Tiana Tia'na : marina be, ho avy io ka mahereza daholo e !

Richard Richard : olo-marina izy, na eo aza ireo fanaratsiana sy fanenjehana samy hafa atao ankehitriny.

MPANOLOTSAINA CUA

Nivoaka ny trano fivoriana ny mpanolotsaina TIM

Nifarana omaly ny fivoriana tsy ara-po-toanan'ny mpanolotsaina ny tanànan'Antananarivo (CUA), ka tao anatin'izany no nanatanterahana ny fanapahana (délibération) nandaniana ny tetibola fanitsiana (budget rectificatif), sy ny lahadinika maromaro. Vao nanomboka ny andro voalohan'ity fivoriana ity dia efa nisavoritaka tantetraka ny teo anivon'ny mpanatanteraka satria nampisy ady hevitra lehibe ny fiantsoana fanampiny nosoniavin'ny filohan'ny filankevitry ny tanàna, izay nolazain'ny ben'ny tanàna Naina Andriatsitohaina, fa tsy fantany ny fisiany. Gaga ihany ny rehetra satria tsy misy lahadinika azo atao izany raha tsy mandalo eo ambany mason'ny ben'ny tanàna. Tao anatin'io taratasy



Ireo mpanolotsaina monisipaly TIM nivoaka ny efitrano fivoriana tetsy Analakely.

fiantsoana io ny fandinihana ny hanomezana tany ho an'ny orin'asa TOM eny Anosipatrana, tany misy ny MBS, nefa tsy nandalo fanapahankevity ny mpanolotsaina monisipaly akory. Nite-raka resabe io fiantsoana io rehefa nandeha tamin'ny onjampeo sy fahitalavitra ary ny tambazotran-tserasera dia niala pa araka ny fitenin'ny tanora

ny ben'ny tanàna, ka nilaza ity farany fa tsy fantatry ny mpanatanteraka io resaka TOM io, mbola tsy mahalao ny volan'ny CUA ary tsy milamina ny resaka teknika mikasika io hoy izy tao amin'ny pejy fesibokiny. Midika izany anefa, efa nisy resaka nandeha tao, saingy nihe-motra tamin'ny ora farany ingahy Vazahabe satria mafy be ilay vaovao ni-

seho tamin'iny. Ny fiafaran'ny fivoriana ihany koa dia nisy ny olana. Noho ny tsy fisian'ny mangarahara tamin'ny nanaovana ny fanapahana (délibération) satria tadiavin'ny tompom-pahefana tao amin'ny CUA atao latsabato miafina ny fandanihana ny lahadinika natao tamin'izany. Nangataka anefa ny mpanolotsaina TIM, mba hatao anatin'ny mangarahara, izany hoe tsangatana no anao-vana ny fifidianana, nefa nolavina izany. Manaraka izany, tokony hanao fanitsiana ny kaomisiona tsirairay amin'ny tetibola nasiam-panitsiana, nolavina koa izany. Manoloana izany indrindra dia nivoaka ny trano fivoriana ny mpanolotsaina Tiako i Madagasikara (TIM) nandritra ny latsabato.

Helisoa

Tranomaro, Anôsy

Dahalo raindahiny miisa 4 saron'ny miaramila mpampandry tany

Dahalo raindahiny miisa 4, no tran'ny miaramilan'ny Holafy A122, avy ao amin'ny ZRPS Alpha 1, nandritra ny fisafonana nataon'izy ireo tao amin'ny fokontany Antsira, Kaominina ambanivohitra Tranomaro any amin'ny distrikan'Amboasary Atsimo, faritra Anôsy afak'omaly.

Vokany: osy 104 sy ondry 05 ary omby 13 no tafaverina amin'ny tompony ary basy miisa 3 ihany koa no tratra nandritra izany. Omby 30 kosa no azo teny am-pelatanan'ny dahalo tao amin'ny Fokontany Antsanamasa Kaominina ambanivohitra Ampamata, mbola any amin'ny faritra Anôsy iny



Ireo dahalo tratra tany Tranomaro.

ihany. Miditra an-tsehatra manampy ny zandary amin'ny fanenjehana ny

dahalo any amin'ny faritra Atsimon'ny Nosy koa amin'izao fotoana ny avy

amin'ny Tafika Malagasy.

Niaina

Akademia Miaramila Antsirabe

Mankalaza ny faha-30 taonany ny Andiany mivantana faha-18

Mankalaza ny faha-30 taona nijoroany ankehitriny ny Andiany mivantana faha-18 ao amin'ny Akademia Miaramila Antsirabe. Anamarihana iza ny tsingerin-taona izany dia nohavaozin'ireo manamboninahitra ambony avy amin'io andiany io ny vavahady fidirana ao amin'ny sekoly. Etsy andaniny dia nohavaozin'ny andiany mivantana faha-33 ny toeram-pibaikoana (PC) ao amin'ny Bataillon OPS ho fanamarihana ny faha-10 taona nivoahan'izy ireo. Maro ihany koa ny foto-drafitrasa notokanana toy ny kianja filalaovana Basket-Ball sy Tennis izay nohavaozin'ireo mpianatra ho ma-



Vavahady nohavaozina ao amin'ny ACML Antsirabe.

namboninahitra nivoaka omaly. Teo ihany koa ny fitokanana ny sehatra fi-

sedrana ny miaramila (Parcours d'audace), izay ezaka notanterahan'ny

Sekoly hanatsarana ny fanofanana.

Aly

Fampianarana

Alasafay fotsiny ny vahaolana entin'ny fitondrana Rajoelina

Mba fihetsika tampi-maso vahoaka ihany no nataon'ny Lalatiana Rakotondrazafy minisitry ny serasera, ka mba nanao izy, fa mbola olana goavana no mitoetra eo amin'ity seha-pampianarana ity mandraka ankehitriny. Anisan'izany ny fanahian'ireo ray aman-drenin'ny mpianatra marobe amin'izao, indrindra ireo any amin'ny sekoly tsy miankina. Ao anatin'ny elanelam-potoana amin'ny taom-pianarana isika ankehitriny na dia eo aza ny filazana ny amin'ny fifaranan'ireo volana nianaran'ny mpianatra. Eo anelanelany satria tsy hita mazava izay hifaranan'ny taom-pianarana 2019-2020, ary tsy mbola fantatra ny hiantombohan'ny taom-pianarana ho avy na dia samy namariparitra izay aza ireo sekoly maro tato ho ato. Rahoviana no hifarana marina ny ankehitriny, ary oviana ny hanomboka ny ho avy? Io iarahamiatrika ny fanadinam-panjakana telo samihafa tsy maintsy handalovan'ny mpianatra. Efa takiana koa anefa amin'izao fotoana izao ny saran'ny fisoratan'ararana ho amin'ny taona ho avy izay tsy mbola voafaritra mazava. Araka izany dia mandeha an-jambany ny fitantanana ny fampianarana hatreto, fa tsy misy hanome antoka ny amin'izay ho fizotrany ara-dalana. Teboka iray tsy vitan'ny fanjakana sy ny minisitry vao-vao ny nifehy azy, ny fomba fiasan'ireo sekoly tsy miankina amin'ny fitondrana ho amin'ny fandraisana mpianatra sy ny ho fizotran'ny fampianarana mandritry ny taona. Samy manao izay saim-pantany ireo sekoly tsy miankina ary masi-mandidy amin'ny lalana na fitsipi-pifehezana apetrany. Tsy voajery ao anatin'izany na kely aza hoan'ireo ny fitsinjovana ireo zaza Malagasy, ny vola no manjaka fa tsy ny fanabeazana. Nahoa no tsy mahazo "bulletin" ireo mpianatra tsy nahavita nahalao ny saram-pianarana telo volana lasa, kanefa izy tsy nianatra akory tamin'izany? Misy manao izany ireo sekoly marobe tsy miankina amin'ny fanjakana toy ny eny amin'ny Cité Itaosy eny. Misy ireo ray aman-dreny tsy afaka handoa izany, kanefa ihany koa tsy maintsy mbola handoa ny saram-pisoratana vao-vao indray. Fahoriana ho an'ireo ray aman-dreny maro izany. Ny minisitry ny serasera nidehaka ho nahavita ny adidiny tamin'ny fanomezana vola kely fanampiana kanefa ny fanjakana iasany tsy misy vahaolana na kely aza ny amin'izany. Mbola olana lehibe atrehin'ireo ray aman-drenin'ny mpianatra maro io toe-javatra io ankehitriny, fa diso hevitra ny fitondrana Rajoelina raha hoe nahavita namaha ireo olana maro samihafa eo amin'io seha-pampianarana io. Io anefa ny sehatra iray lehibe ho avin'ity firenena ity.

Radafy

SMMC

Nanome fanamiana ireo polisy ao amin'ny seranan-tsambon'i Toamasina

Nahazo fanamiana vaovao ireo polisy miasa ao amin'ny seranan-tsambon'i Toamasina, avy amin'ny orinasa SMMC (Société de Manutention des Marchandises Conventionnelles). Ireo fanamiana vaovao ireo dia ho an'ireo polisy miasa ao amin'ny Port Toamasina, hoentiny manampy azy ireo amin'ny asany. Mitohy ny fiarahamiasa ary ankasitrahana ny fanomezana fanamiana tahaka izao, mba hahafahan'ny Polisim-pirenena manatanteraka sy manatsara hatrany ny asany amin'ny adidy lehibe hiandrasan'ny vahoaka azy ireo, hoy ny tompon'andraikitra any an-toerana.

Aly



Ny lanonana fanomezana fanampiana tao amin'ny seranan-tsambon'i Toamasina.

Mpiandry raharaha

PHARMACIES DE GARDE
22/08/20 hatramin'ny
28/08/2020

- AMBODIVONA
(Ambodivona)
034 07 228 98
- MAMY
(67 Ha Nord Est)
020 22 318 21
- NOUVELLE
(Rue Indira Ghandi T
saralalana)
020 22 370 03
- SOANDRY
(Behoririka près Luxor)
020 22 228 37
- HANITRA
(Ankorahotra)
020 22 312 81

HJRA (urgences) :
033 11 890 58 /
22 279 79
HOMI Soavinandriana :
22 397 51
Hopitaly Befelatanana :
22 223 84 / 22 6 N72 21
Hopitaly
Loterana Ambohibao :
22 441 88 / 22 485 17
Clinique des Soeurs
Ankadifotsy : 22 235 54
Ambulances municipales :
22 200 40
Jirama :
Telma : (22)3547 (n° vert) /
Airtel : 03 35 47 / Orange :
032 32 3547
Pompier :
Tél : 118 / 22 250 18 /
22 225 66
Police :
Hôtel Central de Police :
17 / 22 227 35 / 22 357 09
1° Arrondissement
Tsaralalana : 22 280 54
2° Ambanidia : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimananina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84
GIR : 22 227 35

Gazetim-baovao miseho intelo isan-kerinandro
Vidiny: 300 Ar
Adiresy: lot T 70 Ankadindratombo

TALEN'NY FAMOAHANA :
Rahelisoa A.
034 79 07600

MPANAO GAZETY
Politika:
Isambilo: 033 24 783 65
Rajo: 033 80 022 53
Andry Tsiavalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrana 1060-08-2020
Isan'ny natonta: 10 000

Tsy azo adika, na alain-tahaka, na antsaina ampahibemaso raha tsy ahazoana alalana vita soratanana avy amin'ny tompony

FIFAMOIVOIZANA

Hisokatra anio ny RN2, anisan'ny lalan-dràn'ny toekarena

Hiverina hisokatra manomboka anio ny lalam-pirenena faha-2, na ny RN2, mam-pitohy ny renivohitra amin'ny faritra atsinanan'i Madagasikara iny. Ny RN2 izay azo lazaina ho lalan-dràn'ny toekarena Malagasy, noho ny fisian'ny seranan-tsambo anisan'ny lehibe eto Madagasikara any Atsinanana, sady lalana ihany koa mampifandray ny renivohitr'i Madagasikara, amin'ny renivohitra ara-toekaren'ny firenena. Ho fisorohana ny mety mbola ho fipritahan'ny valanaretina coronavirus, ho hentitra ny fampiharana ny fepetra ara-pahasalamana. Ireo fepetra voafaritry tokony ho arahina amin'ny mbola hiadiana amin'ny Coronavirus sy ny lozam-pifamoivoizana ary mba ho fiarovana ireo mpampiasa lalana no hampiharina amin'izany. Koa :

-Entanina ny rehetra mbola hanaja ny fepetra sy fihetsika sakana "gestes barrières": tsy maintsy mitondra arovava sy manaja ny elanelana ary manasa tanana matetika na mampiasa



Zandary miasa amin'ny RN2.

"gel désinfectant";
-Manaraka ireo fepetra napetraky ny ATT avokoa ny Mpitatitra olona na entana;
-Manaja ny hafainganam-pandeha mba tsy ho tratry


ny lozam-pifamoivoizana. Tsirihy hatrany ny lafiny teknikan'ny fiarakodia;
-Voarara ny mamily fiarakodia raha nisotro zava-mahamamo, na mahatsiaro reraka na tsy ampy

Ady amin'ny kolikoly

Nanome fanampiana ho an'ny Bianco ny Ambasadin'i Japon

Eo amin'ny resaka ady amin'ny kolikoly, nitondra fanampiana ho an'ny Bianco, na ny Birao Mahaleotena misahana ny Ady amin'ny Kolikoly, ny governemanta japone, tamin'ny alalan'ny Ambasadiny eto amintsika. Mitentina 581.974.300 Ariary izao fanampiana izao, no-vatsiana vola tamin'ny alalan'ny tahiry antsoina hoe Fonds de Contre Valeur (FCV), nanampiana ara-pitaovana samy hafa ny Bianco eny Ambohibao. Eo koa ny fanampiana ny asa famitana ny foiben-toeran'ity birao mahaleotena ity, ny fanomezana azy ireo fiara 4 tsy mataho-dalana, ary fitaovana sy kojakoja samihafa momba ny informatika. Izany dia ho fanatevenana ny fahafahan'ny Bianco miasa bebe kokoa hatrany eo amin'ny ady ataony amin'ny kolikoly.

Aly



Ny foiben-toeran'ny Bianco eny Ambohibao.

Teny tondro (Ny Valosoa Vaovao) N° 316

BEHARO									
	↔								
	Nihinana		Matoantenany	↕					
			Handro	↕					
	Amy, aminy		Hataka	↕					
	↓		↓			Solfà (miv)			
						Tony, onona			
						Lasopy (miv)	↗		
							Tampisaka	↕	
							Ao ambadika	↕	
							Tovona (miv)	↓	
						Fitaovako			
						Zanak'i Dada	→		
						Toerana			
						Dio, fotsy	↓		
						Miaraka @ aroa	→		
						Anelanelan'ny taona	→		
	↑								
Nandositra			Lapan'ny Mpanjaka	→					
Eka	→		Tanteraka						

BL = Bory Loha
BR = Bory Rambo
MIV = Mivadika
MIK = Mikorontana

Misy ny teny Malagasy ofisialy sy ny tenim-paritra

Ohatra : Valy = Vady

Valliny Teny Tondro (0315)

Mitsivalana

- Mitokona
- Alimo (miv)
- Tenenina
- Tra - DR (miv)
- Tiona - (V)at(a)
- Naka
- Adala - Ar

Mitsangana

- Metatra
- Ery
- Tontosa
- Ome
- Kintana
- Oly
- Nandaka
- Ratra (miv)

TENY MIFANAPAKA N° 316

	A	B	D	E	F	G	H	I	J	K
1										
2										
3										
4										
5										
6										
7										
8										
9										
10										

Mitsivalana

1. Fanatrehana 2. Tsirin-teny (miv) - Antoka 3. Hidin-drano 4. Rano - Androany (miv) 5. Nasondrotra 6. Lera - Manaisotra (miv) 7. Naoty - Fanitarana - Isa romana 8. Hanina (miv) - Tovona (miv) 9. Eo alohanao 10. Tsinjovina, alofana - Heno

Mitsangana

A. Vahoaka mpiara-monina B. Zava-maneno (miv) D. Very - Voaray E. Tolorana - Afapo ara-tsakafo (miv) F. Zanaka aman-jafy. G. Menaka (BR) - Fitaovana fitondrana rano (BR) H. Apetrakay - Farantenany I. Notsikeraina J. Nandray (miv) - Aviavy (miv) K. Voay (miv)

Valiny Teny mifanaraka 0315

Mitsivalana

1. Tovovana 2. Rasalama (miv) 3. Iana 4. Aloka - Tsy 5. Ma (miv) - Vaivay 6. Moana 7. Seranana 8. Hai-nareo 9. Taninay (miv) - Si 10. Masina (miv)

Mitsangana

A Tsia - Mahia B. Alao - AA D. Ranomana E. Kamo (miv) - Nery F. Varavarana G. Ela (miv) - Nara (miv) H. Naoty - Nety I. As - Sasao J. Vita (miv) - Sa K. Aro - Mitafy (miv)

An-tsary misongadina Ny Valosoa Vaovao

Helisoa

Ireo mpanolotsaina monisipaly TIM nivoaka ny efitrano fivoriana tetsy amin'ny Lapan'ny tanàna Analakely, omaly.



Ny fitsidihan'ny avy amin'ny biraon'ny holafitry ny mpanao gazety eto Madaagsikara, ny Lehiben'ny Fampanoavana eo anivon'ny Fitsarana Ambaratonga voalohany sy ny Talem-paritry ny Polisim-pirenena tany Toamasina.

